

2007

An dr Fasnacht trifft me d'Hofa-Häxä
mir sind eimolig und sicher nid z'verwächsle
triffsch is a denn hämmer zäme s'Fest
denn unsri Hofa isch immer no die best

Dr Kopp vo dr Gmeind, mer sages ganz verhalte
ghört jetzt ab sofort zu de Alte
damits uff dr Gmeini aber spannend bleibt
hämmer no dr Bänz, wo sich d Zyt mit dä Lehrling vertribt

Wieso dä blutti Leu an dr Wältmeisterschaft
keini Hose agha hett hämmer bis hütt noni grafft
aber mit de neue Maskottli hän sie nid wirklich wiit dänkt
mir als Zwilling vo de Österricher do hämmer schön in d'Schissi glängt

Do e Insle dört e Schwelle
z'Hofstette chasch glii nüm wie de hesch welle
Strooss uff, d'Stroos ab dien sie dr Verkehr jetzt reegle
jä dörf me denn z'Hofstette glii nümü Veegle!?

Sie duet jetzt in Parfüm investierä
dr FCB cha hinde dra in d Röhre stiere
D Gigi Oeri isch doch e dummi Pflutte
gseht us wie ne fuule Öpfel und ka nid schutte

D Schwyzer und schutte das isch sone Sach
Sie sin nid eso begabt und kriege oft ufs Dach
Es längt nid das is dr FCB duet blamiere
Mr muen au no ständig gege d Schwobe verliere

D Ettiger wän Ihres Image saniere
will sie sich Uswärts oft dien blamiere
Mr finde sie sötte bi dr Wahrheit bliebä
und statt leidenschaftliches Weindorf Vandalcity ane schriebä

Für in d'Ferie muesch nümü wiit reise
gäbsch Gäld derfür us hättsch jo e Meise
denn Hofstette hett, mer häns jo nid welle
fascht so viel Insle wie uff dä Seychelle

Uff em TV, em Schwyzer Färnseh und Pro Siebe
düen sis wieder emol masslos übertriebe
Als nöggst muesch luege das wär jo glacht
wenn d'Lilo e Popstarscasting im Crockett macht

Jedes Joohr im Oktober löhn mer d'Sau uuse
am Saufest chasch feschte, lache und schmuuse
jetzt wird dört baut e Hüüsli chunnt ane
gäll Föppe und Nicole düend e GROOOOSSIII Stube plane

Dr Fraueraum vo allne Natione
das sit Joohr und Daag über Generatione
nei mr häns nid vom Klingele däm Adonis vo dr Gmeind
dr 007 James Bond hän mr do gmeint

Am Valentinstag het mi Maa sunscht e Flotte
leider nid eso do wiener hätt sotte
Är bringt mr e leerä Dessous-Schachtle hei
und seit das sin die gliche wie se Paris Hilton trait

Rauche isch bald überall verbotte
me muess sich zum Süchtele rächt abschotte
mr finde das e riesä Schweinerei
jetzt rauch i no e Päckli und denn gangj hei

